

**Royal Arctic Line A/S-imi
Reg. nr. A/S 209.527**

siulersuisut

S U L E R I A A S I S S A A T

§ 1

1.1. Suleriaasissap tunngavia

Suleriaasissaq manna pilersinneqarpoq Aktieselskabit pillugit inatsimmi (aktieselskabsloven) § 56 aamma ileqqoreqqusani § 9, imm. 1 tunngavigalugit.

1.2. Pappiaqqap originalia tamatigorluinnaq ingerlatsiviup siulersuisuisa allattaavissuini inissisimasassaaq.

§ 2

2.1 Siulersuisut inissitsiternerat

Ukiut tamaasa ataatsimeersuareernerup imaluunniit immikkut ittumik ataatsimeersuareernerup kingornatigut, tassani siulersuisunut ilaasortamik nutaamik toqqaasoqarsimatillugu, siulersuisut inissitsiterniarlutik katersuuttassapput.

2.2. Inissitsiterluni ataatsimiinnermi ukiumut ataatsimut atuuttussatut siulittaasup tullia qinerneqartassaaq, tak. ileqqoreqqusani § 8.6.

2.3 Suleriaasissap akuersaarneqarnera

Siulersuisuni ilaasortanngortoq aamma sinniisussat nutaat suleriaasissap originaliani atsiortinneqassapput.

2.4 Siulersuisuni ilaasortanngortumut suliffeqarfik pillugu paasissutissat pisariaqartut tamarmik tunniunneqassapput, tamatumunnga ilanngullugit ileqqoreqqusat, suleriaasissat, ukiuni qaangiuttuni kingullerni pingasuni ukiumoortumik nalunaarusiat, ukiumi ingerlasumi siulersuisut ataatsimiinnerinit imaqarniliat il.il..

§ 3

3.1 Ataatsimiittarnerit

Siulersuisut ataatsimiittarput tamanna siulittaasup pisariaqartutut nalilerpagu, imaluunniit tamanna siulersuisuni ilaasortamik piumasarineqarpat imaluunniit direktioni siulittaasumut taamaattoqarnissaanik piumasaqarluni saqqummiussippat.

Siulersuisuni ilaasorta q kinaluunniit imaluunniit direktioni piumasaqaateqarsinnaavoq siunnersuummik imaluunniit sammisassanik ullormut oqaluuserisassanut ilanngutsitsinissaminut.

3.2 Ataatsimiinnerit amerlassusiat

Ukiup ataatsip ingerlanerani ikinnerpaamik sisamariarluni ataatsimiittoqartassaaq, taakkuninga ataaseq tassaassaaq naatsorsuutit pillugit ataatsimiinneq, tak. matuma kinguliani imm. 11.1 sinneri siulittaasup aalajangersaanera tunngavigalugu.

Siulittaasoq ukiumut ataasiarluni ataatsimiittarnissanut aamma sulissanut pilersaarusiussaaq, tamanna saqqummiunneqassaaq siulersuisut siullermik ataatsimiinneranni tassa inissitsiterluni ataatsimeereernerup kingorna.

3.4 Ilimasaarineq

Siulittaasoq siulersuisut ataatsimiinnissaannut ataatsimiigiaqqusititsisassaaq sapinngisamik sivikinnerpaamik ullunik 14-inik sioqqutsisumik ilimasaarinikkut. Ataatsimiigiaqqusinermut ilanngullugu siulersuisunut ataatsimiinnissami ullormut oqaluuserisassat nassiunneqassapput – pisariaqassusialu tunngavigalugu imaluunniit tamanna pisinnaappat – naatsorsuutitut tunngasut aamma oqaluuserisassanut ilanngussat.

3.5 Sumiiffissaq

Siulersuisut ataatsimiinnerat Kalaallit Nunaanni imaluunniit Danmarkimi ingerlanneqassaaq. Immikkut pisoqartillugu ataatsimiinneq allami ingerlanneqarsinnaavoq, ataatsimiinnermi sammisassaaq imaluunniit pissutsit allat siulittaasup isumaa tunngavigalugu tamanna tunngavilersorluarneqarsinnaappat.

3.6 Ataatsimiinnerup avataani aalajangersaanerit

Immikkorluinnaq pisoqartillugu, siulittaasup isumaa tunngavigalugu siulersuisut ataatsimiinnissaat utaqqineqarsinnaanngippat, taava siulersuisut aalajangersaasinnaapput allakkatigut, elektroniskiusumik imaluunniit telefonikkut siulersuisut akornanni taasisoqartitsinikkut, tak. tamakkiisumik §§ 4 aamma 5.

Siulersuisuni ilaasortat tamarmik isumaqatigiissutigippassuk, taava siulittaasup kissaateqarnera tunngavigalugu allakkatigut ingerlaartumik aalajangersaasoqarsinnaavoq. Tamatumunnga atorneqartut, tassa taamaattoqarsimappat aalajangersaanissamut tunngavissatut ingerlaartinneqarsimasut, ataatsimiinnerni allattaavissuarni ilanngussatut ilanngunneqassapput.

Ataatsimiinnerit avataanni aalajangersaasimanerit tulliani siulersuisut ataatsimiinnissaanni ullormut oqaluuserisassani tamatigut ersersinneqassapput ilisimatitsissutitut imaluunniit pisariaqarpat nangillugit inaarneqartussatut.

3.7 Siulersuisut ataatsimiinnerini ullormut oqaluuserisassat

Siulittaasoq allatut aalajangersaanngippat siulersuisut ileqquusumik ataatsimiinnerini tamani minnerpaamik ullormut oqaluuserisassanut ilaatinneqartussat tassaapput:

1. Ataatsimiinnermi kingullermi allattaavissuarnut allanneqarsimasunik [imaqarniliamik] atsiuineq.
2. Aalajangersagaasinnaasut siulersuisunit allakkatigut imaluunniit telefonikkut tunngaveqartumik aalajangersarneqarsimasut siulersuisut kingullermik ataatsimiinnerisa kingorna.
3. Siusinnerusukkut siulersuisut aalajangersarsimasaannit malinnaaffiginninneq.
4. Kukkunersiuisut oqaaseqaataannik saqqummiussineq misissugassatut aamma atsiugassatut.
5. Siulersuisut siulittaasuannit nalunaarutit.
6. Direktionimit nalunaarutit tamatumunnga ilanngullugit, siulersuisut kingullermik ileqquusumik ataatsimiinnerisa ingerlatsiviup ingerlatsinera pillugu nalunaarut, aammattaaq pissutsinut pingaaruteqartunut tunngatillugu ilisimatitsineq, taakkununnga ilaassapput direktionip suliniutinut nutaanut aamma /imaluunniit aningaasaliissutissanut nutaanut siunnersuutai. Qaamatikkaartumik nalunaarusiat saqqummiunneqarnerat ilanngullugit missingersuutinik malinnaaffiginninneq.
7. Siulersuisut tulliani ataatsimiinnissaata ullulernerqarnera.

3.8 Ilanngutassat piffissami aalajangersimasuni ullormut oqaluuserisassanut ilanngunneqartussat

Ullormut oqaluuserisassat § 3.7-imi allattorneqarsimasut saniatigut matuma kinguliani immikkoortut allattorneqarsimasut ukiup ingerlanerani ilanngunneqartassapput.

- a. Ukiumoortumik nalunaarusiap aamma ukiumoortumik naatsorsuutit pillugit nalunaarusiap oqaluuserineqarnera.
- b. Ukiumut ataasiartumik ukiumut tulliuuttumik missingersuutit akuersissutigineqartassapput.
- c. Ukiup affaanut nalunaarusiaq siulersuisunut akuersissutigisassanngorlugu saqqummiunneqartassaaq.
- d. Ukiup affaanut nalunaarusiap saqqummiunneqarneranut atatillugu taava ukiup affaata aappaanut missingersuutit (missingiutit) kukkunersiorneqarsimasut saqqummiunneqassapput.
- e. Minnerpaamik ukiumut ataasiartumik nalilerneqartassapput ingerlatsiviup aaqqissuussaana, tamatumunnga ilanngullugit ingammik ingerlatsiviup naatsorsuutininik allattuiffia aamma naatsorsuuseriffia, missingersuusiortarnera aamma suliffeqarfimmi namminerminni misissuisarneq aamma EDB-mik aaqqissuussinerup aarlerinangitsuunerat, aammattaaq misissuisarnermi ileqqut suut aalajangersarneqarsimanersut atornerluisoqarsinnaanera sillimaffiginiallugu.
- f. Ukiumut ataasiartumik ingerlatsiviup sillimaserneqarneranut tunngasut oqaluuserineqartassapput, tamatumunnga ilanngullugit sillimasiinerminni matussusiissutissat pigineqarnerisut, tassa siulersuisut sillimasiinissamut politikkimut akuerisimasaannut tamanna naleqquttuunersoq. Tamatumunnga atatillugu siulersuisut nalilissavaat, pisortaasut akisussaassuseqarnermut sillimaserneqarnerat eqqortuunersoq aamma matussusiissutissaq naammannersoq.
- g. Ingerlatsiviup inuiaqatigiinnut akisussaaqataaneranut politikkiata oqaluuserineqarnera aamma tamatuma ukiumoortumik nalilersorneqarnera.
- h. Ingerlatsiviup attaveqatigiittarnermut pilersaarutaa oqaluuserineqarnera aamma tamatuma ukiumoortumik nalilersorneqarnera.
- i. Aningaasarsionnikkut aammattaaq niuernermit tunngatillugu nalorninartunik aqutsinerup oqaluuserineqarnera aamma tamatuma ukiumoortumik nalilersorneqarnera.
- j. Ingerlatsiviup CSR-imut tunngatillugu politikkiata aamma suliaqarnerata oqaluuserineqarnera.
- k. Suleriaasissap oqaluuserineqarnera pisariaqarpallu nutarternera.

- l. Siulersuisut aamma direktionip nalilersorneqarnissaannik iluuseqarneq tamatumunnga ilanngullugit ilinniagaqaqqinnissamut imaluunniit allatut piginnaasaqarnerulernissamut pisariaqartitsisoqarnerata isummerfigineqarnera. Direktionimik nalilersuinissamut aalajangiinissamut tunngavissat aalajangersarneqarnerat.
- m. Suliffeqarfimmi namminermi kukkunersemiuk pisariaqartitsisoqarsinnaanerani naliliineq.
- n. Akissarsiat pillugit ataatsimiititamik pilersitsineq aammattaaq ukiumoortumik marloriarluni ataatsimiititap nalunaaruteqartarnera.
- o. Siulersuisunut ileqqoreqqussat aamma suleriaasissaq ingerlaavartumik Namminersorlutik Oqartussat suliffeqarfinni Namminersorlutik Oqartussat pigisaanni suliffeqarfimmik pitsaasumik aqutsineq pillugu maleruagassiaa tunngavigalugit nutarterneqartarnissaannik nakkutiginninneq, aamma Namminersorlutik Oqartussat aktianik piginnittutut inassuteqaatai malinneqarnersut imaluunniit malinneqanginnersut pillugit nalunaaruteqartarneq.

§ 4

4.1 Ataatsimiinnerni aqutsineq

Siulittaasoq siulersuisut ataatsimiinnerini aqutsisuusassaaq.

4.2 Aalajangersaasinnaassuseqarneq

Siulersuisut aalajangersaasinnaassuseqarput siulersuisuni ilaasortaasut affaat sinnerlugit najuuppata, taakkununnga ilaallutik siulittaasoq imaluunniit siulittaasup tullia.

4.3 Taasinermi maleruagassat

Taasinerni suliaq sunaluunniit aalajangersarneqartarpoq amerlanerussuteqarnikkut. Taasisut amerlaqatigiinneratigut siulittaasup taasinera aalajangiisuussarpoq.

4.4 Peqataasinnaannginneq

Siulersuisuni ilaasortaq, sinniisussaq imaluunniit pisortaq peqataasinnaanngilaq, ingerlatsiviup aamma nammineq akunnerminni isumaqatigiissutitut apeqqutit suliarineqartillugit, imaluunniit eqqartuussisunut suliassanngortinneqartut namminermi tunngasunut, imaluunniit ingerlatsiviup aamma inuup allap isumaqatigiissutissaat pillugit imaluunniit inummut allamut eqqartuussisunut suliassanngortinneqartut pillugit, nammineq tamatumunnga tunngatillugu

annertuumik soqutigisaqaruni taamaattoqarneralu ingerlatsivimmut assortuuttuusinnaappat.

Siulersuisut akuersissutigissavaat isumaqatigiissutit siulersuisut, sinniisussat imaluunniit pisortat aamma ingerlatsiviup akornanni, taamatutaaq ingerlatsiviup aamma inuup allap akornanni isumaqatigiissutit, tassunga atatillugu siulersuisunut ilaasortaq, sinniisussaq imaluunniit pisortaq annertuumik soqutigisaqarpat tamannalu ingerlatsivimmut assortuuttuusinnaappat.

Qaqutigoortumik siulersuisuni ilaasortaq ingerlatsiviup suliassaataanik neqerooruteqarniarpat, taava tamanna ingerlanneqassaaq tamanut sulariumannittussarsiuussisarnermi ileqqut aqqutigalugit.

4.5 Sinniisussat

Siulersuisuni ilaasortaq sulisut qinigaat sivisuumik peqataasinnaangippat napparsimaneq, aallarsimaneq imaluunniit allamik peqquteqartumik, taava pineqartup suliassai siulersuisuni ilaasortatut sinniisussaani ingerlanneqassapput. Taamaattorli sivikikkaluartumik peqataasinnaanginnerani sinniisussaq immikkut ittumik aggersarneqarsinnaavoq, tamanna siulersuisut aalajangersaasinnaaneranut pisariaqartinneqarpat.

Siulersuisunut ilaasortanut aalajangersakkat taakku sinniisussaannut tamatumunnga pissuseqataasoq atuuppoq.

4.6 Direktioni pisinnaatitaavoq aamma pisussaatitaavoq siulersuisut ataatsimiinnerini peqataassalluni aamma oqaaseqartassalluni. Taamaattorli siulersuisut aalajangersinnaapput pisuni ataasiakkaani aalajangersassallugu direktionip siulersuisut ataatsimiinneranni najuutinnginnissaanik.

§ 5

5.1 Siulersuisut allattaavissuat

Siulittaasup isumagissavaa siulersuisut ataatsimiinnerisa aamma aalajangersaanerisa allattaavissuarnut allattorneqarnissaat. Allattaavissuarmut allatukkani danskit oqaasii atorneqassapput.

5.2 Allattaavissuup imarisai

Siulersuisut allattaavissuani imaqarnilianut / prokollatinut tamanut ilanngunneqartassapput:

- a) ataatsimiinnerup ingerlanneqarnerani piffissaq aamma sumiiffik
 - b) siulersuisuni ilaasortat imaluunniit allat peqataasimasut kikkuuneri aamma ataatsimiinnermik kina aqutsisuusimanersoq
 - c) ullormut oqaluuserissat suut saqqummiunneqarsimasut
 - d) isumaqatigiinniarnit aamma aalajangersaarnit suut ingerlanneqarsimanerisa imaqarniliornerat
 - e) siulersuisut tulliani ataatsimiinnissaa qaqugu aamma sumi ingerlanneqassanersoq
 - f) allattaavissuarnut allattaasutut kina ingerlatsisuusimanersoq
- 5.3 Siulersuisuni ilaasortap imaluunniit pisortap, siulersuisut aalajangersaarnanut isumaqataannigitsup, pisinnaatitaaffigaa isummami allattaavissuarnut allanneqarnissaa.
- 5.4 Ataatsimiinnermit imaqarniliaq siulittaasumut akuersissutigisassanngorlugu ingerlatinneqartassaaq, imaqarniliap siulersuisunut ilaasortanut aamma direktionimut taanna peqataasimappat nassiunneqannginnerani.
- 5.5 Siulersuisunut ilaasortaq imaluunniit direktionip imaqarniliamut pingaaruteqartunik akerliussuteqarunik tamanna allaganngorlugu nalunaarutigissavaat tiguserminnit kingusinnerpaamik sapaatit akunneri 2-t qaangiutsinnagit.
- 5.6 Siulersuisut allattaavissuat siulersuisuni ilaasortanit inaarutaasumik akuersissutigineqassaaq aamma atsiorneqarluni siulersuisut ataatsimiinneranni tulliuuttumi siullermi. Siulersuisunut ilaasortat ataatsimiinnermi imaqarniliorneqarsimasumik peqataasimannigitsut, allattaavissuarmi nalunaassavaat imaqarnialiaq atuarsimallugu.

§ 6

6.1 Siulersuisuni siulittaasoq

Siulersuisut siulittaasuat siulersuisunut suliffeqarfiup avataanut aamma suliffeqarfimmi namminerimi sinnisuuvoq. Siulersuisut siulittaasuata piumasarineqartut, inatsisit, ingerlatsiviup maleruaqqusai aamma suleriaasissaq manna tunngavigalugu malinneqarnissaat nakkutigissavaa. Siulersuisut ataatsimiinnerini tamani siulittaasup siulersuisunut ilaasortat sinnerinut ilisimatitsissutigisassavai pissutsit ingerlatsivimmut pingaarutilimmik sunniuteqarsinnaasut, tassa siulersuisut siulittaasuata ilisimalersimasani ataatsimiinnerup kingulliup ingerlanneqarnerata kingornatigut.

- 6.2 Siulersuisut siulittaasuata siulersuisut sinnerlugit siulersuisut aamma direktionip akornanni ingerlaavartumik attaveqatigiinneq isumagissavaa.
- 6.3 Siulersuisut aalajangersaaneri ingerlatsivimmut ingerlateqqinneqartassapput siulittaasup direktionimut saaffiginninneratigut. Taamaattumik ingerlatsiviup sulisuisa sinneri siulersuisunit ilaasortamit saaffigineqarsinnaanngillat imaluunniit ilitsersorneqarsinnaanngillat.
- 6.4 Siulittaasoq peqanngitsillugu sunut tamanut tunngatillugu siulittaasup tulliata siulittaasoq sinnertarpaa. Taamaattorli tamatumani pineqanngilaq atsiorsinnaatitaaneq, tak. ileqqoreqqusani § 10.
- 6.5 Siulersuisut siulittaasuata qulakkiissavaa aktiaatilimmut aamma soqutigisaqartunut allanut pingaarutilinnut pitsaasumik attaveqatigiinnissaq.
- 6.6 Siulersuisut siulittaasuata akisussaaffigaa siulersuisunik aamma direktionimik nalilersuinissap ingerlanneqarnissaa aktiaatilimmullu saqqummiunneqarnissaa.

§ 7

7.1 Siulersuisut nipangiussisussaataanerat

Paasissutissat aamma uppersaasarsuutitut atortussat siulersuisuni ilaasortap imaluunniit sinniisussap ingerlatsivimmit imaluunniit siulersuisuni ilaasortamit allamit pissarsiarisai isertuunneqartussatut isigineqassapput. Ilaasortat aamma sinniisussat siulersuisuni ilaasortatut imaluunniit siulersuinut sinniisussatut atuunnerminni ilisimalikkaminnut tunngatillugu nipangiussisussaataapput.

Nipangiussisussaataaneq niuernermi imaluunniit ingerlatsinermi isertuussassanut tunngasuuginnanngilaq, kisianni siulersuit ataatsimiinnerini aqqusaarneqartunut tamanut tunngasuuvoq, imaanngippat pissutsit pineqarpata taakku siulersuisut aalajangersaanerisa kingorna, inatsisitigut maleruagassat imaluunniit immikkut inatsisinik atuutsitsinermut tunngatillugu tamanut saqqummiunneqarsinnaasut.

Siulersuisuni ilaasortaq aamma sinniisussaq paasissutissat aamma atortussat tigusimasamik allanut tunniunneqannginnissaannut imaluunniit allanut siulersuisunut akuunngitsunut pissarsiaritinneqannginnissaannut akisussaassuseqarpoq.

7.2 Utertitsinissamut pisussaaffik

Siulersuisunut ilaasortaq imaluunniit sinniisussaq tunuarpat taava siulersuisuni ilaasortatut atuunnerminnut atatillugu atortussat aammattaaq taakku aappiussatut assilineri, kopiivi il.il. tigummisai tamarmik piuneerutsinneqassapput imaluunniit ingerlatsivimmut utertinneqarlutik. Atortussat piuneerutsinneqassanersut imaluunniit utertinneqassanersut pisumiit pisumut immikkut siulersuisut siulittaasuallu isumaqatigiissutigineqartassaaq.

Siulersuisuni ilaasortaq imaluunniit sinniisussaq toqukkut qimaguppat utertitsinissamut pisussaaffik tamanna kingornussisussaasa tamanna pisussaaffigaat.

7.3 Tusagassiutinut il.il. oqaaseqarneq

Siulersuisunut ilaasortaq pissutsit ingerlatsivimmut tunngasut pillugit nutaarsiassaqaqarfinnut oqaaseqaateqarsinnaavoq imaluunniit kikkunnut tamanut saaffiginnissinnaavoq aatsaat siulittaasumit akuerineqaqqaarnermigut.

§ 8

8.1 Immikkut ittumik pisoqartillugu suliffeqarfik sinnerlugu pisinnaaneq

Siulersuisut suliassani tamani tunngaviumik imaluunniit annertuumik kinguneqartussanut tunngatillugu oqaluuserinnissapput aamma aalajangersaassapput. Taamaattorli direktioni siulittaasumit imaluunniit peqanngitsillugu siulittaasup tullia peqatigalugu, taava sulianut taamatut ittunut tunngatillugu pisariaqartunik aalajangersaasinnaapput ingerlatsiviup ingerlatsineranut malunnaatilimmik akornusiinissaa pissutigalugu siulersuit aalajangersaanissaat utaqqineqarsinnaanngippat. Taamaattoqartillugu siulersuisut sapinngisamik piaartumik aalajangersaanerit taamaattut pillugit ilisimatinneqassapput.

Immikkut illuinnartunik pisoqartillugu apeqqutitut ataasiakkaanut tunngatillugu siulersuisut, siulersuisuni ilaasortanut ataasiakkaanut imaluunniit siulersuisunut ilaasortamut ataatsimut imaluunniit arlaqartunut, sammisaqartitsisinnaapput.

§ 9

9.1 Ingerlatsivimmit aqutsineq

Siulersuisut aamma direktion tassaapput ingerlatsivimmut tunngasunik aqutsisut. Ulluinnarni ingerlatsivimmit aqutsineq direktionimit ingerlanneqarpoq, taassuma maleruagassat aamma inassuteqaatit siulersuisunit imminnut tunniunneqarsimasut malissavai. Ulluinnarni aqutsinermut ilaatinneqanngillat aalajangersaanerit ingerlatsivimmi pissutsinnut tunngatillugu nalinginnaanngitsut imaluunniit annertooujussuarmik sunniuteqartut.

- 9.1.1 Siulersuisut qulakkiissavaat akisussaassuseqarnermut, pilersaarusionerimut, malinnaaffiginninnermut aammattaaq nalorninartunik aqutsinermut maleruagassat erseqqissut. Siulersuisut direktionimit nakkutiginnittuupput aamma tamatumunnga tunngatillugu maleruagassiorsinnaapput, tak. imm. 9.2. Siulersuisut qullersaasutut

aamma siunissamut tunngatillugu ingerlatsivimmik aqutsinneq isumagisaraat. Siulersuisut ingerlatsiviup siunissamut pilersaarutini anguniagai direktioni suleqatigalugu aamma aktiaatilik oqaloqatigalugu aalajangersarpaat aamma qulakkeerpaat, piunasaqaatit aamma aningaasat pisariaqartut anguniagassanik taakkuninnga angusaqarnissamut qulakkiissavaat, tassani pineqarput aningaasaliissuteqarnerit taamatullu piginnaasatigut isumalluutit aamma ingerlatsiviup ingerlatsinerani isumannaatsumik aaqquissuussaaneq qulakkeerlugu.

9.2 Malittarisassat

Siulersuisut direktionimut malittarisassaliorsinnaapput tassani erseqqinnerusumik nalunaarneqassallutik ingerlatsivimmi suleriaasissaq qanoq ittuussanersoq, tamatumunnga ilanngullugit qanoq annertutigisumik direktioni suliassanik aamma aalajangersaanernik ingerlatsiviup sulisuinut tunniussaqaarsinnaanersoq. Taamatuttaaq siulersuisut peqqussutigissavaat direktionip maleruagassanik suliqaarnissaa tamatumuuna qulakkeerneqassalluni, aktieselskabinut naalagaaffiup pigisaanut aktieselskabslovimi aammattaq ukiumoortumik naatsorsuusiornermut inatsimmi immikkut aalajangersakkat, eqqortinneqarnissaat.

9.3 Nakkutilliinissamut pisussaaffik

Siulersuisut isummerfigissavaat sukkulluunniit ingerlatsiviup ingerlatsineranut naleqqiussilluni ingerlatsiviup aningaasaqarnikkut sillimmateqarnera. Siulersuisut ingerlatsivimmit ingerlatsinermik nakkutilliisuussapput aamma nakkutigissavaat isumannaatsumik aqunneqarnera ingerlatsivimmi ileqqoreqqusat, aktieselskabsloven aamma inatsisit allat ingerlatsivimmut pingaaruteqaarsinnaasut malillugit.

Siulersuisut nakkutigissavaat naatsorsuutitut allattuineramik (bogføring) aamma pisuussutinik ingerlatsinermik, ingerlatsivimmi pissutsitut naleqquttumik naammaginantumillu misissuisoqartarnera.

Tamakku saniatigut siulersuisut ingerlaavartumik misissortassavaat aalajangersaanerit siulersuisunit aalajangersarneqarsimasut piviusunngortinneqartarnerat, aamma suleriaatsit kiisalu maleruagassat ingerlatsinermut tunngasut aalajangersarneqarsimasut malinneqarnerisut.

9.4 Siulersuisut pisussaaffigaat paasissutissanik pissarsiornissaq tassa nammineq suliassaminnik naammassinninnissaminut

piariaqartitaminnik. Tamatuma saniatigut siulersuisut tamanut peqqussutigisinnaavaat namminneq suliassaminnik naammassinninnissaminnut paasissutissat pisariaqartitamik imminnut ilisimatitsissutigineqartarnissaat.

§ 10

10.1 Aktiaatilinnut ilisimatitsissutegartarneq

Siulersuisut aktiaatilimmut ilisimatitsissutigisassavaat makku naatsorsuutit inernerisa ineriartornerannut naatsorsuutigisat aamma ineriartornerit piviusunngortinneqartut imaluunniit allannguutit pingaaruteqartut, taakku imatut isigineqarsinnaappata ingerlatsiviup aningaasaqarneranut malunnaatilimmik sunniteqarsinnaanerat. Taamatuttaaq siulersuisut aktiaatilimmut ilisimatitsissutigisassavaat allannguutit piviusunngortut imaluunniit allannguutit naatsorsuutigisat ingerlatsivimmut nalorninartutut tunngasuuteqartuusut.

Siulersuisut aktiaatilimmut saqqummiutissavai paasissutissat ingerlatsivimmut tunngasut aamma taakku siunissamut pilersaarutitut tunngatillugu sunniteqarsinnaappata imaluunniit annertuumik kinguneqassappata, inuiaqatigiinnut imaluunniit inuiaqatigiinni aningaasaqarnermut kinguneqarlutik.

§ 11

11.1 Ukiumoortumik nalunaarusiap suliarineqartarnera aamma akuersissutigineqartarnera

Direktionip ukiumoortumik nalunaarusiamut aamma ukiumoortumik nalunaarummut siunnersuusiusaaq tamatumunngalu ilanngullugu nakkutigisavaa taakku ileqqoreqqusani aamma inatsisini aalajangersarneqarsimasut malillugit ilusilerneqarnissaat. Tamatuma kingorna ukiumoortumik nalunaarusiaq aamma kukkunersuisut oqaaseqaatissamut siunnersuutaat siulersuisunut saqqummiunneqassapput akuersissutigisassanngorlugit.

Ukiumoortumik naatsorsuutit siulittaasup aamma direktionip iliuuseqarnerisigut siulersuisuni ilaasortanut ataasiakkaanut siulersuisut ataatsimiinnissaat ullunik pingasunik sioqqullugu nassiunneqassaaq, ataatsimiinnermi tassani naatsorsuutit inaarutaasumik

oqaluuserineqassapput taamaattorli kingusinnerpaamik ileqquusumik ataatsimeersuarnissaq sapaatit akunnerinik pingasunik sioqqullugu.

Siulersuisut ukiumoortumik naatsorsuutitut siunnersuut direktionimit suliarineqarsimasoq aammattaaq kukkundersuisut oqaaseqaammut siunnersuutaat oqaluuserissavaat, tamatumunngalu ilanngullugu nakkutigissavaat ukiumoortumik naatsorsuutit inatsisini, ileqqoreqqusani aamma naatsorsuusioriaatsimi ileqqorissaarnissamut piunasaqaatit malillugit suliarineqarsimanissaat.

Tamatuma kingorna siulersuisut ukiumoortumik nalunaarusiaq akuersissutigisinnaavaat kiisalu naatsorsuutitigut angusat sumut atorineqarnissaannut tunngatillugu aalajangersaallutik.

11.2 Ukiup affaanut nalunaarusiaq

Ingerlatsivimmi direktionip ukiup qiteqqunneri tamaasa siulersuisunut ukiup affaanut nalunaarusiaq saqqummiuttassavaa, tassani ingerlatsiviup ukiup qaammataani arfinilinni siullerni naatsorsuutai saqqummersinneqassapput. Ukiup affaanut nalunaarusiaq ukiumoortumik nalunaarusiamik suliaqartarnermut piunasaqaatit tunngaviusut tunngavigalugit suliarineqassaaq.

§ 1212.1 Kukkunersuisut

Ingerlatsiviup kukkunersuisui siulersuisut ukiumoortumik naatsorsuutit oqaluuseralugit ataatsimiinneranni peqataassapput.

Siulersuisuni ilaasortaq aammattaaq pisuni allani pisinnaatitaavoq noqqaassutigisinnaavaa kukkunersuisut siulersuisut ataatsimiinneranni najuunnissaat.

12.2 Kukkunersuisut oqaaseqaataat

Kukkunersuisut oqaaseqaataat suliarineqarsimasoq siulersuisut ataatsimiinnerini tamani tiguneqarsinnaassaaq.

Kukkunersuisut oqaaseqaataat siulersuisuni ilaasortanit tamanit atsiorneqartassapput, taamaaliornermikkullu uppernarsarpaat oqaaseqaatini allassimasunik ilisimasaqarnertik.

12.3 Siulersuisut aamma kukkunersuisut allaganngorlugu isumaqatigiissutigissavaat kukkunersuinerup qanoq annertutiginissaa.

oo0oo

Taamaalilluni kingullermik allanngortinneqarpoq aamma akuersissutigineqarpoq siulersuisut ataatsimiinneranni, ulloq 21. februaari 2006 aamma siulersuisut ataatsimiinneranni, ulloq 3. septembari 2013.

Atsiornerit

Siulersuisut: